



Publicaziuns officialas dils 27-03-2009

Damondas da baghegiar

Nr. 17/2009

Datum da publicaziun: 27-03-2009

Patrun: Paul Fry, 7176 Cumpadials

Object: Ulivaziun da terren, far ora crappa per migliorar la cultivaziun sin parcelas nr. 2737, 2738, 2757, 2760, 2761, 2762, 2763, 2765, 2766, 2770, 2775, 2779, 2791, 2794 e 2842 a Cumpadials, Rintgenbertg ed Unclin.

Nr. 19/2009

Datum da publicaziun: 27-03-2009

Patrun: Olga Walder-Panic, 7031 Laax

Object: Tschentar nova tabla da reclama sin parcella nr. 309 a Rabus, Runcaglia.

Nr. 20/2009

Datum da publicaziun: 27-03-2009

Patrun: Eugen Bearth, 7175 Sumvitg

Object: Plazzar 2 novs tancs dad ieli en garage nr. d'assec 1-A sin parcella nr. 1776 a Sumvitg, Quadras su.

Nr. 21/2009

Datum da publicaziun: 27-03-2009

Patrun: Therese Frey-Kaufmann, 7176 Cumpadials

Object: Midad d'intent da clavau en garage nr. d'assec 129D sin parcella nr. 3181 a Cumpadials, Curtinatsch.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Lenna da brisch 2009

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu	frs. 55.00/m ³
Staziun Sumvitg	frs. 55.00/m ³
Plaun Petschen	frs. 55.00/m ³

Ogna

Falens	frs 60.00/ster
--------	----------------

Ils prezis secapeschan excl. taglia sin plivaleta. Cundiziuns da pagament ein 30 dis netto! La lenna vegn partida tier tenor successiun dallas annunzias.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, 7175 Sumvitg, ni e-mail: uffeci.forestal@sumvitg.ch, ni per telefon (081 943 19 77 ni 079/ 681 19 67). Las empustaziuns ston succeder entochen sil pli tard ils **15 d'avrel 2009**.

Bien engraziament per Vossa empustaziun!

Sumvitg, mars 2009

Il selvicultur da revier

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, mars 2009

Departament stradal

Scoletta vischnaunca da Sumvitg

Annunzia per scoletta 2009/10

Tut ils geniturs che vulan schar frequentar la scoletta lur affons dall'annada 2004, duessan far aschi bien ed annunziar els a scret entochen ils **31-3-2009** cun indicar:

- num e prenum digl affon.
- datum da naschientscha digl affon.
- num e prenum dils geniturs.
- adressa.

Annunziar mo ils affons che vegnan gl'empren onn a scoletta.

Claudia Galluzzo-Bearth, Gir 692, 7172 Rabius claudia.galluzzo@kns.ch

Lucas Tuor, Plaun Curschellas, 7176 Cumpadials lucas.tuor@raiffeisen.ch

Pleiv Rabius

Radunonza generala

La radunonza generala dalla pleiv Rabius ha liug **venderdis sera, ils 27 da mars 2009 allas 20.00 ell'aula casa da scola a Rabius.**

Pleiv Surrein

Radunonza generala

La radunonza generala dalla pleiv Surrein ha liug **dumengia sera, ils 5 d'avrel 2009 allas 20.00 en casa da scola a Surrein.**

Uniun sportiva Sumvitg

Nus mein cun skis **dumengia, ils 29 da mars 2009** sil Gemsstock. Tut tgi che ha plascher da guder in bi da skis vi Andermatt duei s'annunziar entochen **venderdis sera, ils 27-3-2009** tier Erika, 076 376 61 77 ni erikabearth@sunrise.ch.

Sin stedia participaziun selegra *Uniun sportiva Sumvitg*

Preavis: Las Zoclas

Radunonza generala

Sonda, ils 23 da matg 2009 Tgi che ha interess da passentar il proxim tscheiver activ cun las Zoclas anfla las informaziuns necessarias sut www.zoclas.ch.

Concert per nossas senioras e nos seniors da Surrein e Rabius

Dumengia, ils 5 d'avrel 2009 alla 14.00 uras

Las societads da musica Surrein e Rabius envidan cordialmein las senioras ed ils seniors da Surrein e Rabius ad in suentermiezdi da cumpignia cun concert en casa da scola Surrein.

Cussegl Pastoral Rabius

Dumengia, ils 29 da mars 2009 allas 17.00 envidein nus tut tgi che ha plascher da meditar cun nus la via dalla crusch sil bi tschancun naven da Trun tochen a Nossadunna dalla Glisch. Nus entschevein nossa devoziun tier l'emprema staziun. Far la via dalla crusch sut tschiel aviert enviars in liug da pelegrinadi ei in eveniment special e nus selegrein sche biars sesentan plidentai. (En cass da malaura ha la via dalla crusch liug en baselgia da Nossadunna.) A bien seveser sur Benny e la gruppa liturgica

Cussegl Pastoral Rabius

Dumengia da Palmas, ils 5 d'avrel 2009 envidein nus cordialmein vischinas e vischins da magliar suppa suenter messa en casa da scola. Silsuenter presenta sur Benny a nus sia patria cun maletgs e texts. Aschia savein nus emprender d'enconuscher ina part dall'India. Cun il recav sustenin nus projects egl uestgiu da sur Benny. Nus selegrein sin stedia participaziun e schein a bien seveser *sur Benny ed ils commembers dil cussegl pastoral*

Societad cooperativa da consum Surrein-Rabius

Preavis: Radunonza generala

Venderdis, igl 1. da matg 2009 allas 20.00 uras ell'ustria dalla Greina a Surrein. Cordial beinvegni era a commembras e commembers novs fa *la suprastonza*

Fiera da resti d'affons a Mustér/ Kinderkleinderbörse in Disentis

Siehe/mira sut Disentis/Mustér.

Biblioteca Trun

Liug: Center communal (2. alzada)

Info: www.biblioteca-trun.ch; Info: biblioteca@trun.kns.ch

Uras d'emprest/Öffnungszeiten

Gliendisdis/Montag 15.30–17.00

Gievgia/Donnerstag 15.30–17.30

Venderdis/Freitag 19.00–20.30

duront las vacanzas da scola/ während der Schulferien: Venderdis/Freitag 19.00–20.30

Venderdis, ils 27 da mars allas 20.30 uras

Rico Tambornino prelegia ord siu roman “Jakobs gestörtes Verhältnis zum Schnee”, intermezzo musical.

Per scolas, uniuns ni gruppas ei la biblioteca aviarta tenor curvegnyentscha. 081 943 26 90.
Nus selegrein da Vossa viseta. *Il team dallas bibliotecaras.*

Biblioteca populara, Mustér

Liug: Casa da scola, tel. 081 947 52 90.

biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per Email saveis vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger...tedlar...mirar...!

Nus selegrein da mintga viseta.

Il svilup dalla scartira e ses fastitgs

Entochen ils 24 d'avrel havein nus exponiu tablas d'informaziun e maletgs sur dil svilup dalla scartira. Il viadi dalla scartira entscheiva cun il temps da crap e finescha cun las letras modernas d'ozildi.